

# **Dua Kumayl**

# Dua Kumayl



**Kimetafsiriwa na Sayyid Ahmad Aqyl**

Al-Islam.org

## Publisher(s):

[Al Itrah Foundation \[1\]](#)

Dua ni ulingano ambapo mja hudhirisha ufukara, unyonge na udhaifu wake kwa Mola Mkwasi, Mwenya kumiliki kila kitu. Mja huinyosha mikono yake mitupu kwa unyenyekevu na unyonge, na kutaka msaada kutoka kwa unyenyekevu na unyonge, na kutaka msaada kutoka kwa Mkamilifu Muumba Mwenye uweza juu ya kila kitu, Mwingi wa huuma na ukarimu, Mwenye kusikia maombi ya kila anaemuomba. Dua ni lugha ya mapenzi na ni chimbuko la mahaba ya mja kwa Mola wake na ndiyo taa ya waliyo kizani na ni tulizo la wanaohangaika.

[Get PDF \[2\]](#) [Get EPUB \[3\]](#) [Get MOBI \[4\]](#)

## Translator(s):

[Sayyid Ahmad Aqyl \[5\]](#)

## Topic Tags:

[Du'a \(Supplication\) \[6\]](#)

## Person Tags:

[Kumayl bin Ziyad \[7\]](#)

[Imam Ali \[8\]](#)

# Neno La Mchapishaji

Dua ni ulingano ambapo mja hudhirisha ufukara, unyonge na udhaifu wake kwa Mola Mkwasi, Mwenye kumiliki kila kitu. Mja huinyosha mikono yake mitupu kwa unyenyekevu na unyonge, na kutaka msaada kutoka kwa Mkamilifu Muumba Mwenye uweza juu ya kila kitu, Mwingi wa huruma na ukarimu, Mwenye busara Mjuzi kwa kila jambo, Mwenye kusikia maombi ya kila anaemuomba. Dua ni lugha ya mapenzi na ni chimbuko la mahaba ya mja kwa Mola wake na ndiyo taa ya waliyo kizani na ni tulizo la wanaohangaika.

## Chanzo Cha Dua Hii:

Kumayl Ibn Ziyad Nakha'i alikuwa sahaba muaminifu mionganini mwa sahaba wa Amir al Muminin, Imam Ali Ibn Abi Talib (as) na Dua hii ilisikika kwa mara ya kwanza kutoka kwenye sauti ya kupendeza

(ingawa ilikuwa yenyeye uchungu mkali), ya Imam Ali (as).

Kwa mujibu wa Allama Majilisi (Allah amrehemu), Kumayl alihudhuria hafla moja msikitini mjini Basra ambayo ilikuwa ikuhutubiwa na Imam Ali (as), katika khutba ambayo kwayo usiku wa mwezi 15 Shaban ultajwa:

"Yeyote ambaye atakaa macho kwa mapenzi katika usiku huu na kusoma Dua ya Khidhr, hapana shaka maombi ya mtu yule yatakubaliwa." Wakati watu msikitini pale walipotawanyika, Kumayl alikwenda nyumbani kwa Imam Ali na akamuomba amzoeshe Dua ya Mtume Khidhr. Imam Ali akamuambia Kumayl; kaa chini, andika na ihifadhi moyoni. Kumayl akaiandika kwa imla ya Imam Ali (as). Kisha Imam Ali akamshauri kuisoma Dua hii usiku wa kuamkia Ijumaa, au mwezi mara moja au angalau mwaka mara moja. Imam Ali akaongeza: "Allah akulinde kutokana na uovu wa maadui na njama zilizopangwa na walaghai. Ewe Kumayl! Kwa kuzingatia uswahiba na ujuzi wako, ninakupa heshima hii ya kuaminisha Dua hii kwako."

Kutokana na umuhimu wa du'a hii tumeona tuitoe kwa lugha ya Kiswahili, ili wasoji wetu wa Kiswahili wapate kunufaika kutokana na Dua hii muhimu.

Tunamshukuru Ndugu yetu Sayyid Ahmad Aqyl kwa kukubali jukumu hili la kukifanyia tarjuma kitabu hiki. Vile vile tunawashukuru wale wote walioshiriki katika kusahihisha na kukipitia hadi kufanikisha kuchapishwa kwa kitabu hiki. Ni matumaini yetu kwamba kitabu hiki kitakuwa ni chenyе manufaa kwa wasomaji wetu na kuzidisha upeo wao wa elimu katika dini.

Mchapishaji:

**Al'Itrah Foundation**

S. L. P. 19701,

Daressalaam.Tanzania.

## Dibaji

Kwa jina la Mwenyeesi Mungu Mwingi wa rehema Mwenye kurehemu.

Amesema Mwenyeesi Mungu (swt): "Niombeni nitawaitikia" (40:60). Mtume (saww) naye amesema: "Dua ni silaha ya muumin."

Kwa hakika dua ni mionganini mwa ibada, kwani ni utambulisho wa mja kumuhitajia Mola wake. Kuna Aya na Hadithi nyingi sana zinazohimiza kusoma dua. Kwa hiyo dua inatakikana wakati wowote; sio wakati wa shida tu. Ndio maana Mtume (saww) akasema: "Jijulishe kwa Mwenyeesi Mungu wakati wa raha, atakujua wakati wa shida"

Dua Kumayl ni maarufu sana. Ni dua ya Khidhr (a.s.) ambayo Imam Ali (a.s.) alimfundisha, Kumayl bin Ziyad ambaye alikuwa ni mionganini mwa sahaba zake. Ndio maana ikapata jina lake.

Imependekezwa sana kusomwa kila usiku wa kuamkia ljumlaha na usiku wa kuamkia nusu ya Mwezi Sha'abani au kwa mwezi mara moja au angalau mara moja katika maisha. Ni dua ya kuomba kufunguliwa mlango wa riziki, kughufiriwa dhambi nk.

Tunamshukuru sana ndugu yetu, Sayyid Ahmad Aqil, kwa kazi kubwa aliyoifanya kuitarjumu dua hii. Nasema kazi kubwa, kwa sababu dua ni kuzungumza na Mwenyeesi Mungu, huku ukimsihi akupe kila unachokiongwa. Lugha yake, inahitajia unyenyekevu na usanifu wa hali ya juu sana; na kuihamisha lugha hiyo pamoja na usanifu wake nako kunahitajia usanifu.

Ndugu yetu Ahmad amejitahidi sana katika hili, kiasi ambacho nimemuomba aendeleee na kazi hiyo katika dua nyingine Kwani dua hasanikujua kile unachokisema na unachokiongwa. Bila shaka kazi hiyo itawasaidia sana wale wasiojua kusoma lugha ya kiarabu.

Na tawfiki ni ya Mwenyeesi Mungu

**Hassan Ali Mwalupa**

## Utangulizi

Kwa jina la Mwenyeesi Mungu Mwingi wa rehema Mwenye kurehemu

Namshukuru Mwenyeesi Mungu ambaye nyoyo zamtambua kwa utukufu Wake, maozi hayamuoni na mawazo hayashibishi sifa Zake.

Namshukuru kwa neema Zake pindi alipotuletea Mtume Wake wa mwisho kwetu, Muhammad (s.a.w.w) aliyetusomea dalili Zake na kututakasa na itikadi chafu chafu na pia akatufunza Qur'ani na Hikima.

Mwanadamu mara humkosea Mwenyeesi Mungu na kuidhulamu nafsi yake hadi kwamba moyo ukafunga kiza akili ikakosa mizani na nafsi kwa inda amba dhambi si makosa! Kwa msingi huu mwanadamu huhitaji wasila kumfikishia kilio chake na maombi yake kwa Mwenyeesi Mungu. Dua ndiyo wasila wakutuunganisha na radhi za Mwenyeesi Mungu (s.w.t.).

Dua ni ulingano ambapo mja hudhihirisha ufukara, unyonge na udhaifu wake kwa Mola Mkwasi, Mwenye kumiliki kila kitu. Mja huinyosha mikono yake mitupu kwa unyenyekevu na unyonge, na kutaka msaada kutoka kwa Mkamilifu Muumba Mwenye uweza juu ya kila kitu, Mwingi wa huruma na ukarimu, Mwenye busara Mjuzi kwa kila jambo, Mwenye kusikia maombi ya kila anaemuomba. Dua ni lugha ya

mapenzi na ni chimbuko la mahaba ya mja kwa Mola wake na ndiyo taa ya waliyokizani na ni tulizo la wanaohangaika.

Twasoma katika Qur'an tukufu:-

**"Asema Mola wenu: niombani nitawajibu, hakika wale wajivunao kufanya ibada yangu, bila shaka wataingia Jahannamu, wadhalilike" (Al-Mu'minun 60).**

**"Sema: Mola wangu asingewajali lau sikule kumuomba kwenu" (Al-Furqaan 77)**

**"Na pindi waja wangu wakuulizapo hakika yangu, Mimi nipo karibu, najibu maombi kila anaeniomba nao waitikie mwito wangu na waniamini mimi huenda wakaongoka". (Al baqara 186)**

Namshukuru Mwenyeezi Mungu aliyenipa uweza wa kuifasiri dua hii maarufu kwa jina la Kumayl. Dua hii ilisikika mara ya kwanza, ikisomwa kwa sauti nzuri ya kusisimua na kuhuzunisha kutoka kwa Amirul Mu'minin Imam Ali Ibni Abi Twalib (a.s.).

Kumayl Ibni Ziyaad (r. a.) amesema "Nilikuwa nimekaa na Amiril Mu'miniin katika msikiti wa Basra pamoja na jamaa katika swahaba zake, akizungumzia juu ya tarehe 15 ya mwezi wa Sha'bani, akasema 'Hawi mja ye yote atakae kuukesha usiku huu na akaomba kwa dua ya Khidhri, maombi yake yatajibwa'".

Katika kuifasiri kwangu niliipanga kwa vifungu ili kukidhi haja za wasomaji wa makamo mbalimbali ya kiroho, na kwa wengine kuwapa fursa ya rakizi kwa utulivu wanayo ya tamka.

Na nawashukuru ndugu walionipa moyo kuifanya kazi hii na kwa fikra walizochangia za kilugha au za uwandishi. Ewe Mola mrehemu Muhammad na aali zake utupe usuhuba wake mzuri na utulinde tuisitengane naye hapa duniani na kesho Akhera.

Na kwa wazazi na wazee pamoja na ndugu walijoniongoza na kunitakia mema nawaombea maghofira kutoka Kwako Ewe Mola.

Mwenyeezi Mngu atutakabiliye amali zetu sote pia.

**Sayyid Ahmad Aqyl.**

## **Dua Kumayl**

Kwa jina la Mwenyeezi Mungu Mwingi wa rehema Mwenye kurehemu.

اللَّهُمَّ إِنِّي أَسأْلُكَ بِرَحْمَتِكَ الَّتِي وَسِعَتْ كُلَّ شَيْءٍ

Ewe Mwenyeezi Mungu! Hakika mimi nakuomba kwa rehema  
Zako ambazo zimeenea kila kitu.

وَبِقُوَّتِكَ الَّتِي قَهْرْتَ بِهَا كُلَّ شَيْءٍ

Na kwa nguvu Zako ambazo zimetisha kila kitu,

وَخَضَعَ لَهَا كُلُّ شَيْءٍ ، وَذَلَّ لَهَا كُلُّ شَيْءٍ

na kunyenyekewa ni kila kitu na kudhalilikiwa ni kila kitu.

وَجَبَرُوتِكَ الَّتِي غَلَبْتَ بِهَا كُلَّ شَيْءٍ

na kwa ushindi Wako ambaо haulingani na chochote,

وَبَعْزَتِكَ الَّتِي لَا يَفْوُتُ لَهَا شَيْءٌ

Na kwa uwenyeezi Wako ambaо umeshinda kila kitu

وَعَظَمَتِكَ الَّتِي مَلَأَتْ كُلَّ شَيْءٍ

na kwa ukuu Wako ambaо umejaa juu ya kila kitu,

وَبِسُلْطَانِكَ الَّذِي عَلَا كُلَّ شَيْءٍ

na kwa utawala Wako ulijojuu ya kila kitu.

وَبِوَجْهِكَ الْبَاقِي بَعْدَ فَنَاءِ كُلِّ شَيْءٍ

Na kwa dhati Yako yenye kudumu baada ya kutoweka kila kitu,

وَبِأَسْمَائِكَ الَّتِي ملَأَتْ أَرْكَانَ كُلِّ شَيْءٍ

na kwa majina Yako ambayo yamekusanya misingi ya kila kitu,

وَعِلْمِكَ الَّذِي أَحاطَ بِكُلِّ شَيْءٍ

na kwa ujuzi Wako ambao umedhibiti kila kitu,

وَنُورِ وَجْهِكَ الَّذِي أَضَأَ لَهُ كُلُّ شَيْءٍ

na kwa nuru ya dhati Yako amabyo kwayo kimeangazia kila kitu.

يَا نُورُ ياقُودُوسُ

Ewe Nuru! Ewe Mtakatifu!

يَا أَوَّلَ الْأَوَّلِينَ ، وَيَا آخِرَ الْآخِرِينَ

Ewe Mwanzo wa wamwanzo, Ewe Mwisho wa wamwisho.

اللَّهُمَّ اغْفِرْ لِي الذُّنُوبَ الَّتِي تَهْتَكُ الْعِصَمَ

Ewe Mwenyezi Mungu! Nighofurie dhambi zinazovunja kinga

اللَّهُمَّ اغْفِرْ لِي الذُّنُوبَ الَّتِي تُنْزَلُ إِلَيْنَا

Ewe Mwenyezi Mungu! Nighofurie dhamb iizinazo teremkisha mateso.

اللَّهُمَّ اغْفِرْ لِي الذُّنُوبَ الَّتِي تُغَيِّرُ الْعَمَمَ

Ewe Mwenyezi Mungu! Nighofurie dhambi zinazo haribu neema.

اللَّهُمَّ اغْفِرْ لِي الذُّنُوبَ الَّتِي تَحْبِسُ الدُّعَاءَ

Ewe Mwenyeezi Mungu! Nighofurie dhambi zinazo zuia dua

اللَّهُمَّ اغْفِرْ لِي الذُّنُوبَ الَّتِي تَقْطَعُ الرَّجَاءَ

Ewe Mwenyeezi Muu! Nighofurie dhambi zinazo kata matumaini.

اللَّهُمَّ اغْفِرْ لِي الذُّنُوبَ الَّتِي تُنْزِلُ الْبَلَاءَ

Ewe Mwenyeezi Mungu! Nighofurie dhambi zinazo teremkisha balaa.

اللَّهُمَّ اغْفِرْ لِي كُلَّ ذَنْبٍ أَذْنَبْتُهُ

Ewe Mwenyeezi Mungu! Nighofurie kila dhambi niliyoitenda

وَكُلَّ خَاطِئَةً أَخْطَأْتُهَا

na kila kosa nililokosea.

اللَّهُمَّ إِنِّي أَتَقَرَّبُ إِلَيْكَ بِذِكْرِكَ

Ewe Mwenyeezi Mungu! Hakika mimi najikurubisha Kwako kwa utajo Wako,

وَاسْتَشْفِعُ بِكَ إِلَى نَفْسِكَ

na nakuomba shufaa Yako nikielekea Kwako.

وَأَسْأَلُكَ بِجُودِكَ

Na nakuomba kwa ukarimu Wako

أَنْ تُدْنِيَنِي مِنْ قُرْبِكَ

unisogezo karibu Nawe,

وَأَنْ تُوزِّعَنِي شُكْرَكَ

Unizindue ni kushukuru,

وَأَنْ تُلْهِمَنِي ذِكْرَكَ ،

Unitie ilhamu ya ukumbusho Wako.

اللَّهُمَّ إِنِّي أَسْأَلُكَ سُؤَالَ خَاصٍ مُتَدَلِّلَ خَاشِعٍ

Ewe Mwenyeesi Mungu! Hakika mimi nakuomba ombi la mnyenyeketu, mnyonge, mchaji,

أَنْ تُسَامِحَنِي وَتَرْحَمَنِي

nikikusihhi Unisamehe na Unihurumie,

وَتَجْعَلَنِي بِقِسْمِكَ رَاضِيًّا قَانِعًا

Unipe gawio maridhia la kutosheleza

وَفِي جَمِيعِ الْاحْوَالِ مُتَوَاضِعًا

na katika hali zote Unipe utulivu.

اللَّهُمَّ وَأَسْأَلُكَ سُؤَالَ مَنِ إِشْتَدَّ فَاقْتُهُ

Ewe Mwenyeesi Mungu! Na nakuomba ombi la aliye zongwa ni matakwa yake,

فَاقْتُهُ وَأَنْزَلَ بِكَ عِنْدَ الشَّدَائِدِ حَاجَةً

na haja yake pindi inapo mdhiki akaileta Kwako,

وَعَظُمَ فِيمَا عِنْدَكَ رَغْبَةً

yakizidi mapenzi yake kwa yaliyo Kwako.

اللَّهُمَّ عَظِيمٌ سُلْطَانُكَ وَعَلَا مَكَانُكَ

Ewe Mwenyeesi Mungu! Umetukuka utawala Wako, cheo Chako kijuu,

وَخَفِيَ مَكْرُوكَ ، وَظَاهِرٌ أَمْرُوكَ

mipango Yako imefichamana, amri Yako iko wazi,

أَمْرُوكَ وَغَلَبَ قَهْرُوكَ ، وَجَرَتْ قُدْرُوكَ

nguvu Zako zimeshinda, uwezo Wako umetanda,

وَلَا يُمْكِنُ الْفِرَارُ مِنْ حُكْمِكَ

na kamwe! Haikimbiliki hukumu Yako.

اللَّهُمَّ لَا أَجُدُ لِذُنُوبِي غَافِرًا

Ewe Mwenyeesi Mungu! Simpati wakunighofiria dhambi zangu,

وَلَا إِقْبَائِي سَاتِرًا

wala wakuyasitiri maovu yangu,

وَلَا إِلَشَيْ مِنْ عَمَلِي الْقَبِيجِ بِالْحَسَنِ مُبَدِّلًا غَيْرُكَ

wala hakuna wakunibadilishia tendo lolote langu ovu kwa lema, isipokuwa Wewe

لَا إِلَهَ إِلَّا أَنْتَ ، سُبْحَانَكَ وَبِحَمْدِكَ

Hapana mungu ila Wewe Uliyetakasika Mwenye kusifika,

ظَلَمْتُ نَفْسِي ، وَتَجَرَّأْتُ بِجَهَلٍ

nimeidhulumu nafsi yangu, nikijasiri kwa ujahili wangu,

وَسَكَنْتُ إِلَى قَدِيمٍ ذِكْرَ لِي ، وَمَنْكَ عَلَيَّ

nikijituza kwa kunitangulia kunikumbuka Kwako na kwa wema Wako Unaonifanyia.

اللَّهُمَّ مَوْلَايَ

Ewe Mwenyeesi Mungu, Mola wangu!

كُمْ مِنْ قَبِيحٍ سَرَّتْهُ

maovu mangapi, Umeyasitiri,

وَكُمْ مِنْ فَادِحٍ مِنَ الْبَلَاءِ أَكْلَتْهُ

na mazito mangapi, ya balaa Umeyapunguza,

وَكُمْ مِنْ عِثَارٍ وَقَيْتَهُ

na mangapi, ya kuangamiza Umeyakinga,

وَكُمْ مِنْ مَكْرُؤُه دَفَعْتَهُ

na mangapi, ya maudhi Umeyazuia,

وَكُمْ مِنْ ثَنَاءِ جَمِيلٍ لَسْتُ أَهْلًا لَهُ نَشَرْتَهُ

na sifa ngapi, nzuri sikuwanazo Umezizagaza.

اللَّهُمَّ عَظِيمٌ بَلَائِي

Ewe Mwenyeezi Mungu! Balaa zangu zimekuwa kubwa,

وَأَفْرَطَ بِي سُوءٌ حَالِي

na hali yangu ya uovu imepita mipaka,

وَقَصْرَتْ بِي أَعْمَالِي

na mema yangu ni machache.

وَقَعَدَتْ بِي أَغْلَالِي

Minyororo yangu imeniweka kitako,

وَحَبَسَنِي عَنْ نَفْعِي بُعْدُ أَمْلِي

na yamenizuia kujinufaisha matamanio yangu yalobaidika.

وَخَدَعَنْتِي الدُّنْيَا بِغُرُورِهَا

Dunia imenihadaa kwa udanganyifu wake,

وَنَفْسِي بِجِنَائِهَا وَمِطَالِي

na nafsi yangu kwa khiyana zake na utepetevu wangu.

يَا سَيِّدِي فَأَسْأَلُكَ بِعِزْنِكَ أَنْ لَا يَحْجُبَ عَنْكَ دُعَائِي سُوءٌ عَمَلِي وَفِعَالِي

Ewe Bwana wangu! Nakuomba kwa utukufu Wako, lisikataliwe ombi langu kwa ubaya wa amali zangu na vitendo vyangu,

وَلَا تَفْضَحَنِي بِخَفِيٍّ مَا طَلَعْتَ عَلَيْهِ مِنْ سِرِّي

wala Usinifedheheshe kwa kuyafichuwa yangu yaliyositirika ya siri.

وَلَا تُعَاجِلْنِي بِالْعُقُوبَةِ عَلَى مَا عَمَلْتُهُ فِي خَلَوَاتِي

Na wala Usinipatilizie mateso kwa niliyoyatenda faraghani mwangu,

خَلَوَاتِي مِنْ سُؤْفِعْلِي وَإِسَّاًتِي ، وَدَوَامٍ تَفْرِيظِي وَجَهَائِتِي

kutokana na vitendo vyangu viovu na mabaya yangu, na kudumu kwangu kukiuka mipaka na ujinga wangu,

وَكَثْرَةِ شَهَوَاتِي وَغَفَلَاتِي

na wingi wa matamanio yangu na kughafilika kwangu.

وَكُنْ اللَّهُمَّ بِعِزْتِكَ لِي فِي كُلِّ الْأَخْوَالِ رَءُوفًا ، وَعَلَيَّ فِي جَمِيعِ الْأَمْوَارِ عَطُوفًا

Ewe Mwenyeesi Mungu! Kwa utukufu Wako, Kuwa mpole kwangu katika hali zote na Mwenye huruma mno juu yangu kwa yangu yote.

إِلَهِي وَرَبِّي مَنْ لِي غَيْرُكَ أَسْأَلُكَ كَشْفَ ضُرُّي وَالنَّظَرَ فِي أَمْرِي

Mungu wangu! Mlezi wangu! Nimtake nani asiyekuwa Wewe, anitatulie matatizo yangu na kunitizamia mambo yangu?

إِلَهِي وَمَوْلَايَ أَجْرَيْتَ عَلَيَّ حُكْمًا أَبَعْتُ فِيهِ هَوَى نَفْسِي وَلَمْ أَحْتَرِسْ فِيهِ مِنْ تَرْبِينِ عَدُوِّي

Mungu wangu! Mola wangu! Ulinipangia kanuni, nikaandama humo mapenzi ya nafsi yangu, nisijilinde na vishawishi vyaa adui wangu.

فَغَرَّنِي بِمَا أَهْوَى وَأَسْعَدَهُ عَلَى ذَلِكَ الْقَضَاءِ

Basi akanihadaa kwa niliyokuwa nikiyapenda, ikimsaidia kulitekeleza hilo kadari,

فَتَجَاوَزْتُ بِمَا جَرَى عَلَيَّ مِنْ ذَلِكَ بَعْضَ حُدُودِكَ

nikavuka baadhi ya mipaka uliyoniwekea,

وَخَالَفْتُ بَعْضَ أَوْامِرِكَ

na nikakhalifu baadhi ya amri Zako.

فَلَكَ الْحَمْدُ عَلَيَّ فِي جَمِيعِ ذلِكَ

Kwa yote hayo shukurani ni Zako,

وَلَا حُجَّةَ لِي فِيمَا جَرَى عَلَيَّ فِيهِ قَضَاؤُكَ وَالْزَمَنِيْ حُكْمُكَ وَبَلَوْكَ

wala mimi sina utetezi kwa uamuzi Wako, ikinipasa hukumu Yako na adhabu Yako.

وَقَدْ أَنْتُكَ يَا إِلَهِي بَعْدَ تَقْصِيرِي وَإِسْرَافِي عَلَى نَفْسِي

Hakika, nimekujia Ewe Mola wangu! baada ya uzembe wangu na kuzidi kuikosea nafsi yangu,

مُعْتَذِراً نادِمًا مُنْكَسِرًا مُسْتَقِيلًا

hali yakuwa ni mwenye kujitolea udhuru na mwenye kujuta, na kwa hali ya tahayuri na unyonge,

مُسْتَغْفِرًا مُنِيبًا مُقِرًا مُذْعِنًا مُعْتَرِفًا لَا أَجِدُ مَقْرَأً مِمَّا كَانَ مِنِي

nikiwa ni mwenye kuomba msamaha na ni mwenye kutubia, ni kiwa mwenye kuungama na kunyenyekeea, nikijitambua kuwa sina pakukimbilia kwa hali niliyonayo,

وَلَا مَفْزَعًا أَنْوَجَهُ إِلَيْهِ فِي أَمْرِي، غَيْرَ قَبُولَكَ عُذْرِي

wala sina muhifadhi wa kumwelekea kwa niliyoyatenda isipokuwa Wewe kunikubalia udhuru wangu,

وَإِدْخَالِكَ إِيَّا يَ فِي سَعَةِ رَحْمَتِكَ

na ukaniegesha mimi eneoni mwa rehema Zako.

اللَّهُمَّ فَاقْبِلْ عُذْرِي ، وَارْحَمْ شِدَّةَ ضُرِّي وَفُكَّنِي مِنْ شَدَّ وَثَاقِي

Ewe Mwenyeezi Mungu! basi nikubalie udhuru wangu na unihurumie kwa dhiki zangu, na unifungue na kifungo changu kizito.

يَارَبِّ ارْحَمْ ضَعْفَ بَدَنِي ، وَرَقَّةَ جِلْدِي ، وَدِقَّةَ عَظْمِي

Ewe Mlezi wangu! Uhurumie, udhaifu wa mwili wangu, ulaini wa ngozi yangu na wepesi wa mifupa yangu kuvunjika.

يَا مَنْ بَدَأَ خَلْقِي وَذَكْرِي وَتَبْيَاتِي وَبِرِّي وَتَغْنِيَاتِي

Ewe uliyetanguliza kuniumba, kunitambulisha, kunilea, kunitendea wema na kunilisha,

هَبْنِي لَا بُتَّدِئُ كَرَمَكَ وَسَالِفِ بِرَّكَ بِي

endelea kunipa kwa ukarimu Wako na wema Wako ulionitangulizia.

يَا إِلَهِي وَسَيِّدِي وَرَبِّي

Ewe Mungu wangu! Bwana wangu! Mlezi wangu!

أَتُّرَاكَ مُعَذَّبِي بِنَارِكَ بَعْدَ تَوْحِيدِكَ

Ndivyo basi! Niadhibiwe kwa moto Wako baada ya kukupwekesha?

وَيَعْدَمَا انْطَوِي عَلَيْهِ قَلْبِي مِنْ مَعْرِفَتِكَ

Na baada ya welekevu wa moyo wangu kukufahamu

وَلَهِجَ بِهِ لِسَانِي مِنْ ذِكْرِكَ وَاعْتَقَدْتُهُ ضَمِيرِي مِنْ حُبِّكَ

na uzoefu wa ulimi wangu kukutaja, na kukupenda kwa dhati ya moyo wangu!

وَيَعْدَ صِدْقِي إِعْتِرَافِي وَدُعَائِي خَاصِّاً لِرُبُوبِيَّاتِكَ

Na baada ya kukiri kwangu ukweli, na maombi yangu nikinyenyeka Ulezi Wako?!

هَيْهَاتَ ! أَنْتَ أَكْرَمُ مِنْ أَنْ تُضَيِّعَ مِنْ رَبِّيْتُ

Lipishe mbali hilo! Wewe Umkarimu mno hata Uje Umtupe uliyemlea!

أَوْ تُبَعِّدَ مَنْ أَدْنَيْتُهُ أَوْ تُشَرِّدَ مَنْ آوَيْتُهُ ، أَوْ تُسْلِمَ إِلَى الْبَلَاءِ مَنْ كَفَيْتُهُ وَرَحِمْتُهُ

Au Uje kumtenga Uliyemkaribisha! Au Uje kumtelekeza Uliyemuhifadhi! Au Uje kumtumbukiza balaani Uliyemkifu na kumrehemu!

وَلَيْتَ شِعْرِي يَا سَيِّدِي وَإِلَهِي وَمَوْلَايَ

Litanishangaza! Ewe Bwana wangu! Mungu wangu! Mola wangu!

أَتْسَلِطُ النَّارَ عَلَى فُجُوْهِ خَرَّتْ لِعَظَمَتِكَ ساجِدَةً

Endapo Utusaliti moto juu ya nyuso zilizo kuangukia kwa utukufu Wako zikakusujidia,

وَعَلَى أَلْسُنٍ نَطَقْتُ بِتَوْحِيدِكَ صَادِقًا وَبُشِّرْكَ مَادِحًا

na kwa ndimi zilizo tamka kukupwekesha kikweli–kweli, na kwa shukurani Zako zikakusifu!

وَعَلَى قُلُوبٍ أَعْرَفْتُ بِإِلَهِيْتَكَ مُحَقَّقَةً

Na nyoyo zilizokiri uola Wako kihakika!

وَعَلَى ضَمَائِرِ حَوَّتْ مِنَ الْعِلْمِ بِكَ حَتَّى صَارَتْ خَاشِعَةً

Na nafsi zilizopata ujuzi kutoka Kwako mpaka zikawa ni zenye kunyenyeka!

وَعَلَى جَوَارِحٍ سَعَتْ إِلَى أُوْطَانِ تَعْبُدِكَ طَائِعَةً

Na viungo vilivyo kwenda kwa hima hashuoni kukuabudu kwa utwiifu!

وَأَشَارَتْ بِإِسْنَغْفَارِكَ مُذْعَنَةً

Na akijibidiisha kwa tamaa ya kupata maghofira Yako!

ماهَكَذا الظَّنُّ بِكَ وَلَا أُخْبِرُنَا بِفَضْلِكَ عَنْكَ يَا كَرِيمُ

Hata! sivyo hivi tunavyo kudhania wala sivyo tulivyoelezwa kuhusu fadhila Zako zitokazo Kwako Ewe Uliyemkarimu!

يَارَبِّ وَأَنْتَ تَعْلَمُ ضَعْفِي عَنْ قَلْبِي مِنْ بَلَاءِ الدُّنْيَا وَعُقُوبَاتِهَا وَمَا يَجْرِي فِيهَا مِنَ الْمَكَارِهِ عَلَى أَهْلِهَا

Ewe Mlezi wangu! Wewe waujua udhaifu wangu wa kutoweza uchache wa matatizo ya kilimwengu na mateso yake, na maudhi yanayo endelea humo kwa wakazi wake.

عَلَى أَنَّ ذَلِكَ بَلًا وَمَكْرُوهٌ قَلِيلٌ مَكْثُونٌ ، يَسِيرٌ بَقَاؤُهُ قَصِيرٌ مُدَّتُهُ

Na hakika, balaa hizo na maudhi hayo ni ya kipindi kidogo, huwepo kwa tahafifu na muda wake ni mfupi,

فَكَيْفَ إِحْتِمَالٍ لِبَلَاءِ الْآخِرَةِ وَجَلِيلٍ وُقُوعِ الْمَكَارِهِ فِيهَا

basi viyi nitayahimili mimi matatizo ya Akhera na kukumbwa na maudhi makubwa mno humo?

وَهُوَ بَلًا تَطُولُ مُدَّتُهُ وَيَدُومُ مَقَامُهُ وَلَا يُخَفَّفُ عَنْ أَهْلِهِ

Nazo ni balaa ambazo muda wake ni mrefu, na zenye kudumu, wala hamna tahafifu kwa wakazi wake.

أَهْلِهِ لَأَنَّهُ لَا يَكُونُ إِلَّا عَنْ غَضَبِكَ وَأَنْتَ قَاتِلُكَ وَهَذَا مَا لَا تَقُولُ لَهُ السَّمَاوَاتُ وَالْأَرْضُ

Kwani hilo haliwi ila kwa ghadhabu Zako na malipo Yako na ukali Wako, kwazo hata mbingu na ardhi katu hazihimili!

يَا سَيِّدِي فَكَيْفَ لِي وَأَنَا عَبْدُكَ الْمُضَعِيفُ الذَّلِيلُ الْحَقِيرُ الْمِسْكِينُ الْمُسْتَكِينُ

Ewe Bwana wangu! Basi kefu mimi? Na mimi ni mja Wako dhaifu, mnnyonge, duni hali, masikini mwenye kubeheneka.

يٰالٰهِي وَرَبِّي وَسَيِّدِي وَمَوْلَايَ ، لَا يَ الْأُمُورُ إِلَيْكَ أَشْكُو

Ewe Mungu wangu, Mlezi wangu, Bwana wangu, Mola wangu! Nikushitakie yapi?

وَلِمَا مِنْهَا أَضْجَعْ وَأَبْكَى لِأَلِيمِ الْعَذَابِ وَشَدِّهِ ، أَمْ لِطُولِ الْبَلَاءِ وَمُدَّهِ

Na kwa lipi nilie na kuomboleza? Kwa uchungu wa adhabu na uzito wake, ama kwa kurefuka kwa mateso na muda wake?!

لَئِنْ صَرَرْتَنِي لِلْعُقُوبَاتِ مَعَ أَعْدَائِكَ ، وَجَمَعْتَ بَيْنِي وَبَيْنَ أَهْلِ بَلَائِكَ وَفَرَقْتَ بَيْنِي وَبَيْنَ أَحِبَّائِكَ وَأَوْلِيَائِكَ

Iwapo Utaniadhibu pamoja na adui Zako, na Ukanijumuisha mimi pamoja na waliyostahili adhabu Yako, na Ukanitenga mbali na wapenzi Wako na mawalii Wako;

فَهَبْنِي يٰالٰهِي وَسَيِّدِي وَمَوْلَايَ وَرَبِّي

basi Ewe Mungu wangu, Bwana wangu, Mola wangu, Mlezi wangu!

صَبَرْتُ عَلَى عَذَابِكَ فَكَيْفَ أَصْبِرُ عَلَى فِرَاقِكَ؟

Tuseme nimeistahimilia adhabu Yako, nitawezaje kustahamili kuwa mbali Nawe?

وَهَبْنِي صَبَرْتُ عَلَى حَرَّ نَارِكَ فَكَيْفَ أَصْبِرُ عَنِ النَّظَرِ إِلَى كَرَامَاتِكَ ، أَمْ كَيْفَ أَسْكُنُ فِي النَّارِ وَرَجَائِي عَفْوَكَ ؟

Na tuseme nimeuvumilia ukali wa moto Wako, nitawezaje kuvumilia kunyimwa ukarimu Wako? Ama vipi niwe mtulivu motoni na matarajio yangu ni msamaha Wako?

بِعِزْتِكَ يَا سَيِّدِي وَمَوْلَايَ أَقْسِمُ صَادِقاً

Naapa kwa Utukufu Wako Ewe Bwana wangu, Mola wangu!

لَئِنْ تَرَكْتَنِي نَاطِقاً لَأَضِجَّنَ إِلَيْكَ بَيْنَ أَهْلِهَا ضَجِيجَ الْأَمْلَائِنَ

Kihakika, lau utaniacha nimwenye kutamka! Nitakulilia kwa mayowe katikati ya wakazi wake (motoni), kilio cha wenge matarajio.

وَلَا صُرُخَنْ إِلَيْكَ صُرَاحَ الْمُسْتَصْرِخِينَ وَلَا بَكِينَ عَلَيْكَ بُكَّا الْفَاقِدِينَ

Nitakupigia unyende wa kweli, unyende wa wanao taka kupatilizwa, na nitakulilia kilio cha wenyewe kukatikiwa na matumaini.

، وَلَا نَادِيَنَكَ أَئْنَ كُنْتَ يَا وَلَيَّ الْمُؤْمِنِينَ ، يَا غَایَةَ أَمَالِ الْعَارِفِينَ يَا غِيَاثَ الْمُسْتَغْيَثِينَ

يَا حَبِيبَ قُلُوبِ الصَّادِقِينَ وَيَا إِلَهَ الْعَالَمِينَ

Na nitakulingania 'Ukowapi Ewe Msimamizi wa waumini? Ewe Mwisho wa tumaini la wajuzi! Ewe Msaidizi wa wenyewe kuomba usaidizi! Ewe kipenzi cha nyoyo za wakweli! Ewe Mola wa viumbi vyote!'

أَفْتَرَاكَ سُبْحَانَكَ يَا إِلَهِي وَبِحَمْدِكَ

Itakuwaje tena? Ewe Mungu wangu Uliyetakasika na Mwenye sifa njema!

تَسْمَعُ فِيهَا صَوْتَ عَبْدٍ مُسْلِمٍ سُجِنَ فِيهَا بِمُخَالَفَتِهِ

Hivi Uisikie sauti ya mja Wako Mwislamu, aliyefungwa humo kwa uhalifu wake,

وَذَاقَ طَعْمَ عَذَابِهَا بِمَعْصِيَتِهِ ، وَحُبِسَ بَيْنَ أَطْبَاقِهَا بِجُرْمِهِ وَجَرِيرَتِهِ

na akaonja uchungu wa adhabu kwa maasia yake, amezuiliwa kati ya matabaka humo kwa ajili ya makosa yake na jeuri zake,

وَهُوَ يَضْعُجُ إِلَيْكَ ضَجَيجً مُؤْمِلٍ لِرَحْمَتِكَ

huku anakulilia kilio cha matumaini atazamia rehema Zako,

وَيُنَادِيكَ بِلِسَانٍ أَهْلٍ تَوْحِيدِكَ ، وَيَتَوَسَّلُ إِلَيْكَ بِرُبُوبِيَّاتِكَ

na akikulingania kwa ulimi wa wenyewe kukupwekesha na kujikurubisha Kwako kwa Uola Wako!

يَا مَوْلَايَ فَكَيْفَ يَبْقَى فِي الْعَذَابِ وَهُوَ يَرْجُو مَاسَلَفَ مِنْ حِلْمِكَ ؟

'Ewe Mola wangu' Basi hwendaje abakiye kwenye adhabu na yeye atarajia upole Wako uliomtangulia.

أَمْ كَيْفَ تُؤْلِمُهُ النَّارُ وَهُوَ يَأْمُلُ فَضْلَكَ وَرَحْمَتَكَ ؟

Ama vipi moto umuumize naye ana matumaini ya fadhila zako na rehema Zako!

أَمْ كَيْفَ يُحْرِفُهُ لَهِبُّهَا وَأَنْتَ تَسْمَعُ صَوْتَهُ وَتَرَى مَكَانَهُ ؟

Ama vipi ndimi za moto zimchome na Wewe waisikia sauti yake na wamuona alimo?

أَمْ كَيْفَ يَشْتَمِلُ عَلَيْهِ زَفِيرُهَا وَأَنْتَ تَعْلَمُ ضَعْفَهُ ؟

Ama vipi vishindo vimkusanyikie humo, hali Wewe waujua udhaifu wake?

أَمْ كَيْفَ يَتَقَلَّلُ بَيْنَ أَطْبَاقِهَا وَأَنْتَ تَعْلَمُ صِدْقَهُ ؟

Ama vipi ahangaike baina ya matabaka yake (humo) na Wewe waujua ukweli wake?

أَمْ كَيْفَ تَزْجُرُهُ زَبَانِتُهَا وَهُوَ يُنَادِيكَ يَارَبَّاه ؟

Ama ni vipi Mazabaaniya wamzuilie humo na yeye akulingania 'Ewe Bwana wangu'?

أَمْ كَيْفَ يَرْجُو فَضْلَكَ فِي عِنْقِهِ مِنْهَا فَتَرُكُهُ فِيهَا ؟

Ama ni vipi, atarajia fadhila Zako umwepushe na moto kisha wamuacha mumo humo?

هَيْهَا ! مَا ذَلِكَ الظَّنُّ بِكَ ، وَلَا الْمُعْرُوفُ مِنْ فَضْلِكَ

Si lakuwa hilo! Kwani si laiki Yako kuwa hivyo, wala si ule umaarufu wa fadhila Zako,

وَلَا مُشْبِهٌ لِمَا عَامَلْتَ بِهِ الْمُؤْحِدِينَ مِنْ بِرِّكَ وَإِحْسَانِكَ

na wala hayalingani na wema Wako na hisani Yako uliyowatendea wenyewe kukupwekesha.

فِي الْيَقِينِ أَقْطَعُ ، لَوْلَا مَا حَكَمْتَ بِهِ مِنْ تَعْذِيبٍ جَاهِدِيكَ وَقَضَيْتَ بِهِ مِنْ إِخْلَادٍ مُعَانِدِيكَ

Naamini kwa yakini kabisa, iau Hukuhukumu kuwaadhibu wanao kukanusha, na hivyo Ukaamua wabaki humo milele wapinzani Wako,

أَجَعَلْتَ النَّارَ كُلَّهَا بَرْدًا وَسَلَامًا ، وَمَا كَانَ لَأَحَدٍ فِيهَا مَقْرَأً وَلَمْقُاماً

Ungeliufanya moto wote kuwa baridi na salama, na haitakuwa humo ni makazi wala makao kwa yejote.

لَكَنَّكَ تَقَدَّسَتْ أَسْمَاوُكَ

Lakini yametakasika majina Yako,

أَقْسَمْتَ أَنْ تَمْلَأَهَا مِنَ الْكَافِرِينَ ، مِنَ الْجِنَّةِ وَالنَّاسِ أَجْمَعِينَ ، وَأَنْ تُخْلِدَ فِيهَا الْمُعَانِدِينَ

Ulishakata kuwajaza humo makafiri kutokana na majini na watu pamoja, na kuwabakisha humo milele walokaidi.

وَأَنْتَ جَلَّ ثَناؤُكَ قُلْتَ مُبْتَدِئًا ، وَتَطَوَّلتَ بِالْإِنْعَامِ مُتَكَرِّمًا

Na Wewe sifa Zako zimetukuka, Ulisema mbeleni na Ukiendeleza kuneemesha Ukikirimu,

أَفَمَنْ كَانَ مُؤْمِنًا كَمَنْ كَانَ فَاسِقاً ، لَا يَسْتَوْنَ

"Je! aliye Muumini na mpotovu huwa sawa? La! Hawawi sawa."

إِلَهِي وَسَيِّدِي ، فَأَسأَلُكَ بِالْقُدْرَةِ الَّتِي قَدَرْتَهَا وَبِالْقَضِيَّةِ الَّتِي حَتَّمْتَهَا وَحَكَمْتَهَا ، وَغَلَبْتَ مَنْ عَلَيْهِ أَجْرِيَتْهَا

Mungu wangu, Bwana wangu! Basi nakuomba kwa uwezo Ulioukadiria, na kwa uamuzi Uliyoushishaa na kuupitisha, na ukamshinda Uliyempangia.

أَنْ تَهَبَ لِي فِي هَذِهِ اللَّيْلَةِ وَفِي هَذِهِ السَّاعَةِ

Uwe ni Mwenye kunisamehe katika usiku huu na saa hii,

**كُلَّ جُرْمٍ أَجْرَمْتُهُ وَكُلَّ ذَنْبٍ أَذْنَبْتُهُ ، وَكُلَّ فَيْحٍ أَسْرَرْتُهُ ، وَكُلَّ جَهْلٍ عَمِلْتُهُ ، كَتَمْتُهُ أَوْ أَعْلَمْتُهُ ، أَخْفَيْتُهُ أَوْ أَظْهَرْتُهُ**

kila ovu nililolitenda na kila dhambi niliyoifanya, na kila uchafu nilioufanya kwa siri na kila ujinga nilioutekeleza kwa kuficha au waziwazi, kwa kuuficha au kwa dhahiri;

**وَكُلَّ سَيِّئَةً أَمْرَتَ بِإِثْبَاتِهَا الْكَرَامَ الْكَاتِبِينَ ، الَّذِينَ وَكَلْتُهُمْ بِحِفْظِ مَا يَكُونُ مِنِّي**

na kila mabaya Uliyoamrisha kusajiliwa na Waandishi watukufu Uliowaakilisha kuyadhibiti yangu yote.

**وَجَعَلْتُهُمْ شُهُودًا عَلَيْيَ مَعَ جَوَارِحِي**

Na Ukawafanya wao na viungo vyangu pia kuwa ni mashahidi juu yangu,

**وَكُنْتَ أَنْتَ الرَّقِيبَ عَلَيَّ مِنْ وَرَائِهِمْ ، وَالشَّاهِدَ لِمَا خَفِيَ عَنْهُمْ ، وَبِرَحْمَتِكَ أَخْفَيْتُهُ ، وَبِفَضْلِكَ سَتَرْتُهُ**

huku ukiwa Wewe juu yao ni Mchungaji wangu, Ukiyashuhudia yale yaliyofichamana kwao, kwa rehema Zako Uliyaficha na kwa fadhila Zako Ukayositiri.

**وَأَنْ تُؤْفَرَ حَظِّي مِنْ كُلِّ خَيْرٍ أَنْزَلْتَهُ ، أَوْ إِحْسَانٍ فَضَّلْتَهُ أَوْ بِرٍّ نَشَرْتَهُ ، أَوْ ذَنْبٍ تَغْفِرُهُ أَوْ خَطَأً تَسْتُرُهُ**

Nizidishie fungu langu kwa kila kheri Unayoiteremsha au wema Unaoutoa, au zuri Unalolieneza au riziki Unayoigawa, au dhambi Unayoighofiria au kosa Unalolisitiri.

**يَارَبِّ يَارَبِّ يَارَبِّ ، يَا إِلَهِي وَسَيِّدي**

Ewe Mlezi wangu! Ewe Mlezi wangu! Ewe Mlezi wangu! Ewe Mungu wangu, Bwana wangu,

**وَمَوْلَايَ وَمَالِكَ رِقْيِ ، يَامَنْ بِيَدِهِ نَاصِيَتِي يَا عَلِيمًا بِضُرِّي وَمَسْكَنَتِي ، يَا خَيْرًا بِفَقْرِي وَفَاقَتِي**

Mola wangu! Ewe Mwenye kumiliki utumishi wangu! Ewe Ambaye uongofu wangu uko mikononi Mwake! Ewe Mjuzi wa madhara yangu na makazi yangu! Ewe Mwenye kuujua ufakiri wangu na mahitaji yangu!

**يَارَبِّ يَارَبِّ يَارَبِّ أَسَأْلُكَ بِحِكْمَةٍ وَقُدْسِكَ وَأَعْظَمِ صِفَاتِكَ وَأَسْمَائِكَ**

Ewe Mlezi wangu! Ewe Mlezi wangu! Ewe Mlezi wangu! Nakuomba kwa haki Yako na utukufu Wako na

ubora wa sifa Zako na majina Yako,

أَنْ تَجْعَلَ أُوقاتِي مِنَ اللَّيْلِ وَالنَّهَارِ بَذِكْرِكَ مَعْمُورَةً ، وَبِخِدْمَتِكَ مَوْصُولَةً

Unijaalie katika nyakati zangu za usiku na mchana, daima niendelee kukukumbuka, na niambatane na utumishi Wako.

وَأَعْمَالِي عِنْدَكَ مَقْبُولَةً ، حَتَّى تَكُونَ أَعْمَالِي وَأَفْرَادِي كُلُّهَا وَرْدًا وَاحِدًا ، وَحَالِي فِي خَدْمَتِكَ سَرْمَدًا

Na amali zangu ziwe kabuli Kwako hadi vitendo vyangu na nyuradi zangu ziwe kitu kimoja, na kwa milele niwe nakutumikia.

يَاسِيدِي يَامَنْ عَلَيْهِ مُعَوَّلِي ، يَامَنْ إِلَيْهِ شَكْوَتُ أَحْوَالِي

Ewe Bwana wangu! Ewe Ambae tegemeo langu li-Kwake! Ewe Ambae Kwake nashitakia hali zangu!

يَارَبِّ يَارَبِّ يَارَبِّ ، قَوْ عَلَى خَدْمَتِكَ جَوَارِحِي

Ewe Mlezi wangu! Ewe Mlezi wangu! Ewe Mlezi wangu! Vithibitishe viungo vyangu nikutumikie,

وَأَشْدُدُ عَلَى الْعَزِيمَةِ جَوَانِحِي وَهَبْ لِي الْجِدَّ فِي خَشِينَاتِكَ

Liamirishe kusudio langu lakujihadhi, Uniwezeshe nijiogopee Kwako,

وَالدَّوَامِ فِي الاتِّصالِ بِخِدْمَتِكَ حَتَّى أَسْرَحَ إِلَيْكَ فِي مَيَادِينِ السَّابِقِينَ

Na daima nishikamane na utumishi Wako mpaka nikufikilie vyeo vya walotangulia,

وَأُسْرِعَ إِلَيْكَ فِي الْبَارِزِينَ ، وَأَشْتَاقَ إِلَى قُرْبِكَ فِي الْمُشْتَاقِينَ

nikuananie kati ya wanao kukimbilia, niwe na shauku ya kuwa karibu Nawe pamoja na wakupendao.

وَأَدْنُو مِنْكَ دُنُوَ الْمُخْلِصِينَ ، وَأَخَافَكَ مَخَافَةَ الْمُؤْنِينَ ، وَأَجْتَمَعَ فِي جِوارِكَ مَعَ الْمُؤْمِنِينَ

Na nsiogelee Kwako na wanao soga kwa ikhlasi, na nikuche kwa kicho cha wenyewe yakini na nijiunge pamoja na Waumini kuwa karibu nawe.

اللَّهُمَّ وَمَنْ أَرَادَنِي بِسُوءٍ فَأَرْدُهُ ، وَمَنْ كَانَنِي فَكِدْهُ

Ewe Mwenyeesi Mungu! Na anayenitakia ubaya mrudishie, na mwenye kunichimbia nayeye mrudi.

وَاجْعَلْنِي مِنْ أَحْسَنِ عَبْدِكَ نَصِيباً عِنْدَكَ ، وَأَقْرِبْهُمْ مَنْزِلَةَ مِنْكَ ، وَأَخْصِهِمْ زُلْفَةَ لَدِيْكَ فَإِنَّهُ لَا يُنَالُ ذَلِكَ إِلَّا بِفَضْلِكَ

Na unijaalie niwe katika waja Wako bora wenyewe fungu Kwako, na wa daraja ya karibu mno Kwako na cheo maalumu mbele Yako, kwani hakika kwa amri na shani Yako hayo hayapatikani ila kwa fadhila Zako.

وَجُدْ لِي بِجُودِكَ ، وَاعْطِفْ عَلَيَّ بِمَجْدِكَ ، وَاحْفَظْنِي بِرَحْمَتِكَ

Unipe kwa upaji Wako, Unisikitikie kwa utukufu Wako, na kwa rehema Zako unihifadhi.

وَاجْعَلْ لِسَانِي بِذِكْرِكَ لَهُجاً ، وَقَلْبِي بِحُبِّكَ مُتَيَّماً وَمُنَّ عَلَيَّ بِحُسْنِ إِجَابَاتِكَ

Ufanye ulimi wangu kwa kukukumbuka ni wenyewe kukutaja, na moyo wangu uenee mapenzi Yako, na kwa wema Wako nitakabalie.

وَأَقِلْنِي عَثْرَتِي ، وَاغْفِرْ زَلَّتِي فَإِنَّكَ قَضَيْتَ عَلَى عِبَادِكَ بِعِبَادَتِكَ ، وَأَمْرَتْهُمْ بِدُعَائِكَ ، وَضَمِنْتَ لَهُمُ الْإِجَابَةَ

Nipunguzie maovu yangu na unighofirie kusepetuka kwangu. Hakika uliwaamuliya waja Wako wakuabudu, na ukawaamrisha wakuombe, na umewadhamini majibu.

فَإِلَيْكَ يَارَبِّ نَصِيبُ وَجْهِي ، وَإِلَيْكَ يَارَبِّ مَدْنَتُ يَدِي

Basi Kwako Ewe Mlezi wangu, nimeuwelekeza uso wangu, na Kwako Ewe Mlezi wangu nimeinyanya mikono yangu.

فَبِعِزَّتِكَ أَسْتَجِبْ لِي دُعَائِي ، وَبِلَغْنِي مُنَايِّ وَلَا تَقْطَعْ مِنْ فَضْلِكَ رَجَائِي

Kwa utukufu Wako, nikubalie maombi yangu na unitimizie makusudio yangu, wala usinikatishe tamaa

yangu kwa fadhila Zako.

وَاكْفِنِي شَرَّ الْجِنِّ وَالْإِنْسِ مِنْ أَعْدَائِي

Niakifishia shari za majini na watu katika maadui zangu.

سَرِيعُ الرِّضَا إِغْفِرْ لِمَنْ لَا يَمْلِكُ إِلا الدُّعَاءُ، فَإِنَّكَ فَعَالٌ لِمَا تَشَاءُ

Ewe Mwenye kuridhika upesi! Mghofirie asiyemiliki kitu ila dua, kwani hakika Wewe hulitenda ultakalo.

يَا مَنْ إِسْمُهُ دَوْاً، وَذِكْرُهُ شِفَاءٌ، وَطَاعَتُهُ غِنَىٰ

Ewe Ambaye jina Lake ni dawa! Utajo Wake ni shufaa, na Utii Wake ni kutosheka,

إِرْحَمْ مَنْ رَأَسُ مَالِهِ الرَّجَأُ وَسِلَاحُهُ الْبُكَأُ

mrehemu ambae rasilimali yake ni matumaini, na silaha yake ni kilio.

يَا سَابِعَ النِّعَمِ، يَا دَافِعَ النِّقَمِ، يَا نُورَ الْمُسْتَوْحِشِينَ فِي الظُّلُمِ

Ewe Mweneza neema! Ewe Mkinga balaa! Ewe Nuru ya waliyo wakiwa gizani,

يَا عَالِمًا لَا يُعَلَّمُ، صَلَّى اللَّهُ عَلَى مُحَمَّدٍ وَآلِ مُحَمَّدٍ، وَأَفْعَلْ بِي مَا أَنْتَ أَهْلُهُ

Ewe Mjuzi usiyefunzwa! Mswalie Muhammad na Aali Muhammad, unifanyie yale ambayo ni laiki Yako.

وَصَلَّى اللَّهُ عَلَى رَسُولِهِ وَالْأَئِمَّةِ الْمَيَامِينَ مِنْ آلِهِ وَسَلَّمَ تَسْلِيمًا كَثِيرًا.

Swala za Mwenyeze Mungu zimshukie Mtume Wake pamoja na Maimamu waaminifu katika Aali zake na salamu kamili nyingi mno.

## **Links**

- [1] <https://www.al-islam.org/sw/organization/al-itrah-foundation-0>
- [2] <https://www.al-islam.org/printpdf/book/export/html/23250>
- [3] <https://www.al-islam.org/printepub/book/export/html/23250>
- [4] <https://www.al-islam.org/printmobi/book/export/html/23250>
- [5] <https://www.al-islam.org/sw/person/sayyid-ahmad-aqyl>
- [6] <https://www.al-islam.org/sw/tags/dua-supplication>
- [7] <https://www.al-islam.org/sw/person/kumayl-bin-ziyad>
- [8] <https://www.al-islam.org/sw/person/imam-ali>